

Риёзус солиҳийн шарҳи / Риёзус солиҳийн шарҳи / 729-ҳадис

729 – وَعَنْ أَنَسٍ رَضِيَ اللَّهُ عَنْهُ قَالَ: جَاءَ رَجُلٌ إِلَى النَّبِيِّ صَلَّى اللَّهُ عَلَيْهِ وَسَلَّمَ فَقَالَ: يَا رَسُولَ اللَّهِ؛ إِنِّي أُرِيدُ سَفَرًا فَرَوِّدْنِي، فَقَالَ: «زَوَّدَكَ اللَّهُ التَّقْوَى». قَالَ: زِدْنِي، قَالَ: «وَعَفَّرَ ذَنْبَكَ»، قَالَ: زِدْنِي، قَالَ: «وَيَسِّرْ لَكَ الْخَيْرَ حَيْثُمَا كُنْتَ». رَوَاهُ التِّرْمِذِيُّ وَقَالَ: حَدِيثٌ حَسَنٌ [3444].

729. Анас розияллоху анхудан ривоят қилинади:

«Бир киши Набий соллаллоху алайҳи васаллам ҳузурларига келиб: «Эй Расулulloх, мен сафар қилишни хоҳлайман, сафарга керакли нарса билан мени баҳраманд қилинг», деганида, у зот: «**Аллоҳ сени тақво билан бойитсин**», дедилар. Ҳалиги киши: «Яна қўшимча қилинг», деганида, у зот: «**Гуноҳингни кечирсин**», дедилар. Ҳалиги киши: «Яна қўшимча қилинг», деганида, у зот: «**Қаерда бўлсанг ҳам сенга яхшиликлар осон бўлсин**», дедилар.

Имом Термизий ривоят қилиб, ҳасан ҳадис, дедилар.

Шарҳ: Ҳадисдан олинадиган хулосалар:

- Сафар қилишни хоҳлаган киши дўсти ёки олим кишидан дуои-хайр олиб кетишнинг маҳбублиги.
- Саҳобалар доим ва барча ҳолатда Расулulloх с.а.в.дан дуо олиб қолишга ҳарис бўлишган.
- Банда мусулмон биродарига насиҳат қиладиган нарсасининг энг улкани бу - Аллоҳга тақво қилишдир. Чунки тақво руҳнинг озуқаси бўлиб, тақвосиз олий мақсадига етиб бора олмайди.
- Солиҳ кишилардан дуо олиб, яхшиликни зиёда қилишнинг маҳбублиги.



HADIS.ISLOM.UZ
NUBUVVAT MARVARIDLARI